



St Leonard's College

Program Pemerolehan Bahasa dan Penglibatan Budaya (PLACE)

Program Pemerolehan Bahasa dan Penglibatan Budaya (*Program for Language Acquisition and Cultural Engagement - PLACE*) dibangunkan khusus bagi mempersiapkan pelajar berlatar belakang bukan Bahasa Inggeris, untuk peralihan kepada kelas aliran utama St Leonard's College dan kehidupan di Australia.

Ada empat unsur berhubung kait dalam program ini:

Induksi pelajar

Proses induksi pelajar antarabangsa bermula setelah menerima Surat Tawaran. Pelajar akan dihubungkan dengan kakitangan pengajar dan pastoral, bakal ibu bapa penginapan keluarga, serta bakal teman sedarjah. Pertemuan akan menjadi semakin kerap menjelang tarikh permulaan Program, demi memudahkan peralihan ke dalam kehidupan di Kolej serta penyesuaian diri untuk hidup dan belajar di Australia.

Penginapan keluarga dalam komuniti

Setibanya di Australia, pelajar antarabangsa yang tidak tinggal bersama keluarga atau waris sendiri akan dipadankan oleh Kolej dengan keluarga penginapan. Rangkaian keluarga kami termasuk alumni, kakitangan, mantan ibu bapa dan keluarga pelajar. Untuk perincian lanjut, lihat *Penginapan Keluarga Pelajar Antarabangsa*.

Kelas Bahasa Inggeris Intensif

Pada awalnya, pelajar antarabangsa menyertai kelas Bahasa Inggeris Intensif yang dijadualkan dalam PLACE, mengikut jadual waktu Kolej yang biasa. Kelas ini disesuaikan dengan keperluan peribadi, untuk membina kemahiran membaca, menulis, mendengar, bertutur dan kosa kata. Semasa program, pelajar dibantu untuk memilih mata pelajaran. Setelah selesai, mereka meneruskan pengajian Bahasa Inggeris sebagai Bahasa Tambahan (EAL). Pelajar antarabangsa menghadiri perhimpunan sekolah, menganggotai Kumpulan Mentor, dan menyertai pelbagai program kokurikulum Kolej.

Sokongan pembelajaran berterusan

Pelajar antarabangsa tetap berada dalam PLACE sehingga mencapai tahap kecekapan Bahasa Inggeris yang cukup untuk memasuki kelas aliran utama. Peralihan ini bermula dengan satu atau lebih mata pelajaran, beransur-ansur meningkat sehingga mereka dapat mengikuti kelas aliran utama sepenuhnya. Pelajar antarabangsa juga tetap mendapat sokongan guru sehingga lulus, dan secara automatik menjadi Old Collegian – program alumni Kolej.

Pelajar antarabangsa yang terdaftar di Kolej tidak perlu membayar yuran tambahan untuk PLACE.

Untuk penerangan lanjut, sila lihat risalah kami *Yuran dan Bayaran Pelajar Antarabangsa*.